

I. Der xxxviii. Artickel.
Wehr die Schichtmaister zuentsetzen/
macht hat.

*In der artikel
sol grammatik
wahrung*

Der Hauptman vñ Bergkmaister sollen sempt
lich macht vñ gewalt haben / ein itzlichen Schicht
maister / mit vnd one der Bergwerkten willen / seins
diensts zuentsetzen. Vnd sollen doch vonn Bergwerk
ten / one des Hauptmans vnd Bergkmaisters wil
len / nicht entsatzt werden.

II. Der xxxix. Artickel.
Wie die Schichtmaister der Bergwerkten gele
vnd anders jnen zugehörig / bewaren sollen.

fiatt:

Die Schichtmaister sollen / alles was sie vonn
der Bergwerkten wegen einnehmen vnd empfangen /
trewlich vnd wol bewaren. Der Bergwerkten sachen
mit gebewden / vnd was man darzu bedarff / auff
nützlichst bestellen. Alles das zu notturfft der Be
werkten / vnd irer zechen mus gebraucht werden /
es sey vnzlit / eysen / seyl / tröge / kerbel / holtz / bret /
nagel / vnd alles anders / vmb der Bergwerkten gelt
aufft nechst als es zubekommen möglich / bestellen
vnd selber an solchen stücken gar keins nutztes ge
warten. Auch aus gunst oder freuntschafft / mit der
Bergwerkten nachteil / niemande deszhalbē kein nutz
oder vortheil zuwenden.

III. Der xl. Artickel.
Wie der Schichtmaister auff den Steiger
achtung geben soll.

Es